

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1808065287, 1808083336 և 1808091113 որոշումները անփոփոխ, իսկ գանգատն առանց բավարարման թողնելու մասին

<<20> 07 2018թ. 17-4-4177

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյան, վերանայելով <<ԼԵՎ ԳՈՌ>> ՍՊԸ տնօրեն Ռուբեն Հայրապետյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

<<ԼԵՎ ԳՈՌ>> ՍՊԸ տնօրեն Ռուբեն Հայրապետյանը 74621-18 դիմումով խնդրել է ճանապարհային ոստիկանության թիվ 1808065287, 1808083336 և 1808091113 որոշումներով ամրագրված իրավախախտումները վերահասցեագրել Տիգրան Արթուրի Քոչարյանին:

«Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին» ՀՀ օրենքի 7-րդ հոդվածի 6-րդ մասի համաձայն գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, բնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները: Եթե տրանսպորտային միջոցն օգտագործվում է գրավոր պայմանագրի հիման վրա, ապա գանգատին (բողոքին կամ հայցադիմումին) պետք է կցվի նաև պայմանագրի պատճենը:

Նյութերի ուսումնասիրության ընթացքում պարզվել է, որ <<ԼԵՎ ԳՈՌ>> ՍՊԸ տնօրեն Ռուբեն Հայրապետյանի կողմից ներկայացված ապացույցները չեն հիմնավորում թիվ 1808065287, 1808083336 և 1808091113 որոշումներով ամրագրված իրավախախտումները Տիգրան Արթուրի Քոչարյանի կողմից կատարված լինելու փաստը, քանի որ չի պահպանել վերոնշյալ իրավանորմով սահմանված պայմանները, չի ներկայացվել տրանսպորտային միջոցի հաշվառման փաստաթղթի պատճեն, իսկ ներկայացված փաստաթուղթը վերաբերում է այլ տրանսպորտային միջոցի:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1808065287, 1808083336 և 1808091113 որոշումները թողնել անփոփոխ, իսկ գանգատն՝ առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակներն ուղարկել <<ԼԵՎ ԳՈՌ>> ՍՊԸ տնօրեն Ռուբեն Հայրապետյան (հասցեն՝ ք. Երևան, Արագածի փ., տ. 81) և ՏՄՀԽՆԼ կենտրոն:



Ե. Կարապետյան